



ZDRAVSTVENA USTANOVA DOM ZDRAVLJA VELIKA KLADUŠA

Ul.Sulejmana Topića br.1 V. Kladuša tel.037 770-010; fax:037 770-021; e-mail: dom.zdr@gmail.com; www.domzdravlja-vk.ba ;

Broj: 2979 /24

Datum: 03.12.2024.godine

Na osnovu člana 64. Stav 1. tačka b), člana 70. Zakona o javnim nabavkama („Sl.glasnik BiH“, broj 39/14, 59/22 i 50/24), na Preporuku Komisije za javnu nabavku broj:2978/24 od 03.12.2024.godine, u postupku javne nabavke roba – Sanitetsko vozilo direktor ustanove je donio

O D L U K U **o izboru najpovoljnijeg ponuđača**

Član 1.

Prihvata se Zapisnik o pregledu i ocjeni ponuda br.2977/24 od 03.12.2024.godine i Preporuka Komisije za javne nabavke br.2978/24 od 03.12.2024.godine.

Prijedlog ugovora za javnu nabavku roba – Sanitetsko vozilo dodjeljuje se ponuđaču „M.R.RM. export-import“ d.o.o.Ljubuški, ponuda br.2801/24 od 21.11.2024..godine za ponuđenu cijenu od 186.900,00 KM bez PDV-a.

Član 2.

Prijedlog ugovora dostavit će se na potpis izabranom ponuđaču „M.R.M. export-import“ d.o.o.Ljubuški, po proteku roka od 15 dana, računajući od dana od kada je ponuđač obavješten o izboru najpovoljnije ponude.

Član 3.

Za izvršenje ove Odluke zadužuje se i ovlašćuje Pravna služba ZU Dom zdravlja Velika Kladuša.

Član 4.

Ova Odluka objavit će se na web-stranici www.domzdravlja-vk.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. Stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj:2587/24 od 30.10.2024.godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 187.000,00 KM.

Obavijest o nabavci broj: 957-1-1-148-3-58/24 objavljena je na Portalu javnih nabavki dana 31.10.2024.godine u 13:52 sati.

Komisija za javnu nabavku imenovana je Rješenjem broj: 511/23 od 21.03.2023.godine.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su ukupno pristigle 2 (dvije) ponude;
- da su blagovremeno zaprimljene 2 (dvije) ponude;
- da je neblagovremeno zaprimljeno nula (0) ponuda;
- da je ponuda ponuđača „Berlina“ d.o.o. Bihać neprihvatljiva;
- da je ponuda ponuđača „M.R.M.export-import“ d.o.o. Ljubuški prihvatljiva;
- da vrijednost prihvatljive ponude iznosi 186.900,00 KM bez PDV-a.

Komisija za nabavku je utvrdila da ponuda ponuđača „M.R.M.export-import“ d.o.o. Ljubuški ispunjava sve zahtjeve u pogledu opisa predmeta nabavke i tehničke specifikacije.

Komisija za nabavku je utvrdila da ponuda ponuđača „Berlina“ d.o.o. Bihać ne ispunjava sve zahtjeve u pogledu opisa predmeta nabavke. Naime, ponuđač „Berlina“ d.o.o. Bihać nije dostavio katalog medicinske opreme u sanitetskom vozilu. U tenderskoj dokumentaciji tražen je katalog –tehničke karakteristike vozila, potrebno je dostaviti i katalog medicinske opreme s obzirom da se radi o medicinskim aparatima koji su ponuđeni u sanitetskom vozilu.

Ponuđač „Berlina“ d.o.o. Bihać nije dostavio katalog medicinske opreme u sanitetskom vozilu i njihova ponuda se ocjenjuje kao neprihvatljiva.

E-Aukcija nije održana obzirom da je prihvatljiva samo jedna ponuda.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, direktor ustanove nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.


Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

U skladu sa kriterijima najniža cijena tehnički prihvatljive ponude, prijedlog Ugovora za nabavku roba-sanitetsko vozilo za potrebe ZU Dom zdravlja Velika Kladuša dodjeljuje se ponuđaču „M.R.M. export-import“ d.o.o. Ljubuški, za ponuđenu cijenu od 186.900,00 KM bez PDV-a.

Iz navedenih razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1.ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove odluke.



Direktor

Prim.dr Evresa Okanović

Dostaviti:

1. “M.R.M. export-import” d.o.o. Ljubuški;
2. “Berlina” d.o.o. Bihać;
3. a/a